

**Oroville Cheeb Tsam Tsev Kawm Ntawv Siab  
Kevcai 504 ntawm txojcai Rov Xyaum Ua 1973  
Niamtxiv/Menyuam Kawm Muaj Cai Li No**

Oroville Cheeb Tsam Tsev Kawm Ntawv Siab (OUHSD) txwv tsi pub saib ntsej muaj vim haiv neeg, xim qaij tawv, lub tebchaws, pojniam txiv neej, kev nyiam sib hlub, noob nyoos lossis kev tu lossis kev haujlwm nyob rau qho chaw nws ua thiab tej yam nws ua.

Kevcai 504 ntawm txojcai Rov Xyaum Ua 1973 txwv tsi pub saib tsi taus cov xim oob qhab lossis muaj kev tu ncuu rau tej kev kawm uas tau nyiaj pab los ntawm nomtswv loj. Txojcai uas pab cov Mesliskas muaj Xim Oob Qhab (ADA) yog tsim los tswj cov tswv ntiav haujlwm uas muaj 15 leej neeg lossis tshaj ntiav ua haujlwm.

Raws li ob txojcai saum no txhais mas ib tus uas yog xim oob qhab vim hlwv khiav tsi zoo lossis muaj ib qho kev tu ncuu no ces yuavtsum yog yam nws muaj ntawv txwv nws ua neej nyuaj rau ib yam lossis tshaj ntawd, xisli tsi pom kev, tsi hnov lus, tsi txawj hais lus, ua pa tsi zoo, kawm tsi tau, ua tsi tau haujlwm, lossis muaj ntaub ntawv hais txog tej yam ntawd, lossis ntawv qhia tias nws muaj.

Cheeb tsam yuav sojntsuam, nrhiav thiab xyuas kom tau kev qhia ntawv kom thwj rau txhua tus menyuam uas raug tswj los ntawv Kevcai 504 ntawm txojcai Rov Xyaum Ua thiab tsim tej kev pab kev hloov, kev kawm kev txawb, kom zoo lawv li ADA tau hais lawm. Niamtxiv lossis cov saib cov menyuam muaj li no, muaj cai sojntsuam kom paub, xisli ntawv tuaj qhia lawv thiab ntawv qhia lawv thaum muaj kev sib tham yog hais tias muaj kev tsi sib totaub txog tus menyuam tej kev hloov, kev pab, lossis kev kawm.

Cheeb tsam yuav nrhiav tej khoom los pab thiab tej kev pab kawm rau cov menyuam xim oob qhab kom haum lawv txoj kev paub kawm thiab totaub kom kawm tau zoo thiab yog dawb xwb. Tsi tas li ntawd, cheeb tsam yuav nrhiav kev pab kev kawm ntawv ntxiv rau cov menyuam xim oob qhab kom lawv tau ua ib yam li lwm cov menyuam thiab.

**Niamtxiv/Menyuam Kawm Muaj Cai Li No**

Ram qab no qhia txog cov cai uas nom tswv loj tsim los pab tivthaib cov menyuam kawm uas muaj xim oob qhab. Cov kevcai no muaj sau cia rau ntawm lub tebchaws cov kevcai loj ntawm 29 U.S.C.qhaub 706 (7) thiab qhaub 794; 34 C.F.R. Nab 104, 20 U.S.C. qhaub 1232g thiab 34 C.F.R. Phaj 99. Qhov tseem ceeb ntawm cov kevcai no yog tsim los qhia kom koj paub txhua lub sijhawm txog txhua yam ntawm koj tus menyuam tej kev kawm thiab qhia cov cai uas koj muaj yog tej yam koj tsi pom zoo rau tej kev qhia lossis tej yam lawv txiavtxim.

Koj muaj cai:

- Ro koj tus menyuam mus koom, thiab kawm cov kev qhia los ntawm pej xeem cov tsev qhia ntawv, thiab tsi pub txwv nws kawm vim nws yog ib tus muaj xim oob qhab.
- Kom cheeb tsam OUHSD qhia cov kevcai ua pab koj ntawm nomtswv loj cov kevcai.
- Taxis tsab ntawv qhia txog kev xam pom, kev sojntsuam thiab kev kawm ntawm koj tus menyuam.
- Kom koj tus menyuam tau kawm dawb, kawm yam uas thwj, los ntawm pej xeem cov tsev kawm (FAPE). Qho no qhia txog koj tus menyuam muaj cai kawm ntawv ntau li ua tau koom nrog cov menyuam tsi xim oob qhab thiab.
- Kom koj tus menyuam muaj kev pab thiab kawm cov tsev kawm uas cov menyuam tsi muaj xim oob qhab kawm thiab.
- Kom koj tus menyuam tau kev pab taaj haj thiab lwmyam kev pab yog nws muaj xim oob qhab lawv li txogcai qhia lossis Kevcai 504 ntawm txojcai Rov Xyaum Ua 1973.
- Kom tej kev txiavtxim rau kev sojntsuam, kev kawm thiab cov hoob kawm rau koj tus menyuam yog los ntawm ob peb yam ntaub ntawv thiab cov tibneeg txiavtxim yog cov paub koj tus menyuam zoo thiab paub txog tej kev sojntsuam thiab kev xaiv hoob zoo.
- Kom muaj tsheb thauj koj tus menyuam mus kawm lwm lub tsev kawm uas thwj nws thiab tus nqe tsheb yuavtsum yog tib tug nqe xwb, ib yam li ua yog nws mus kawm ib lub tsev kawm ntawv li cheeb tsam ntawd.

- Kom koj tus menyuam koom tau lwmyam uas tsi yog kev kawm ntawv thiab tej yam muaj uas cheeb tsam tsim rau txhua tus menyuam.
- Xyuas txhua yam ntaub ntawv uas muaj hais txog koj tus menyuam tej kev txiavtxim, kev sojntsuam, kev qhia, kev kawm, thiab xaiv hoob.
- Muab tau kev kawm tej ntaub ntawv uas yog luam tsi kim lossis tsi txhob tshaj qhov ua rau koj them tsi taug.
- Tau lus tej koj cov lus nug los ntawm cheeb tsam tsev kawm uas qhia koj txog koj cov lus nug lossis txhais txim txog koj tus menyuam tej ntaub ntawv.
- Thov kom hloov lossis pauv tej cov lus qhia tawm uas koj pom hais tias yuam kev lawm lossis tsi tseeb, hais tsi yog lossis ua txhaum cai rau koj tus menyuam lawm.
- Tau txais kev qhia thiab kev sojntsuam txog koj tus menyuam raws li sijhawm ua ntej muaj tej kev hloov rau nws hoob thiab kev kawm.
- Thov kom muaj kev sab raum lossis lwmtus txiavtxim kom ncaj ncees yog koj tsi pom zoo rau tej yam tsev kawm npaj ua. Koj kuj yog ib tus ntawm txog kev sib hais no, yog li, koj muajcai nrhavi ib tus kws lis choj sawv koj cev thiab. Tsi tas li, koj muajcai foob ntxiv mus yog koj tsi pom zoo rau kev txiavtxim ntawm txog kev sib hais no.

### **Yog Tsi Pom Zoo Ib Yam Ces Ua Li No**

OUHSD cheeb tsam cog lus yuav npaj kev kawm kom sib npaug thiab dawb thiab kom thwj rau txhua tus menyuam kawm. Yog muaj kev liam txog kev ua tsi ncaj ncees uas txhaum Kevcai 504 lossis Kevcai Tibneeg Meskas Xim Oob Qhab ces ua li cov kev qhia ntsam qab no:

1. Yog muaj ib tus xav liam hais tias muaj kev tsi ncaj ncees txhaum Kevcai 504 lossis ADA ces nws yuavtsum ua lawv li txojcai es mus ntsib cheeb tsam Tus Sojntsuam Kevcai 504, yog teebmeem tsi yog nws, tiamsis thaum nws yog tus koj tsi txaus siab rau hno ces mus ntsib tus Thaj Khu Loj lossis lwmtus uas raug taw los txiavtxim, dhau li ntawd Tus Thaj khu lossis tus raug taw mam li sojntsuam txojkev sib hais tauj mus ntxiv. Tus Sojntsuam Kevcai 504 li mam xwj raws li Cheeb Tsam Cov Kev Xwj thiab muab sau cia (xisli cov sijhawm sib tham thiab pom zoo li cas) thiab sau ntawv teb tus uas liam ua ntej li 5 hnuv tom qab thaum sib tham tas lawm.
2. Yog sib hais qhov tsi txaus siab no tseem tsi pom zoo ntawm Theem 1 no thiab, ces tus Liam Tsi Txaus Siab no muajcai sau ntawv foob ntxiv mus. Daim ntawv tsi txaus siab no yuavtsu hais thaum pib sib hais mus txog rau lub sijhawm tamsimno thiab xav mus rau Tus Sojntsuam Kevcai 504 ua ntej 5 hnuv tom qab kev sib tham xaus ntawm Theem 1. Yog tus tsi traus siab no sau tsi tau ntawv vim tsi txawj lossis tsi paub ntawv, Tus Sojntsuam Kevcai 504 li mam pab sau thiab xav mus. Ua ntej 5 hnuv tom qab tau txais daim ntawv tsi txaus siab, Tus Sojntsuam Kevcai 504 li mam taw ib tus los sawv cev tswj kev sib tham qhov kev tsi txaus siab no. Tus tswj no mam npaj ib lub sijhawm tuaj sib tham ua ntej li 15 cov hnuv ua haujlwm. Niamtxiv lossis tus saib thiab tus menyuam yuav muaj sijhawm kom txaus thiab tswm nyog los qhia tej yam lossis cov uas tsi txaus siab. Txhua tus muajcai tso lwm tus sawv cev ntawm lawv xisli ib tus uas paub kevcai lossis tus kws lij choj tiamsis tug nqi nyiag them nyiag. Tus tswj kev sib tham no yuav sau qhia txog nws li kev txiavtxim rau cheeb tsam Tus Sojntsuam Kevcai 504 thiab tus tsi txaus siab ua ntej li 10 hnuv uas yog cov hnuv ua haujlwm tom qab kev sib tham.
3. Yog tus foob tseem tsi tau txaus siab tom qab kev sib tham ntawm Theem 2 no thiab, nws muajcai sau ntawv foob ntxiv mus rau Pawg Tswjhwam Kev Ntseeg Siab. Yuav kom yog ib saib tseeb ceeb, tus tsi txaus siab yuavtsum sau qhia kom tas thaum pib thiab kev hais mus li cas lawm thiab yuavtsum foob mus rau tus Thaj khu Loj qhov chaw haujlwm ua ntej li 5 hnuv ntawm cov hnuv ua haujlwm tom qab sib tham Theem 2 tas. Yog tus uas tsi txaus siab tsi paub ua cov ntawv foob vim tsi txawj lossis tsi paub ntawv los muaj lwm yam teebmeem, Tus Sojntsuam Kevcai 504 li mam pab sau thiab ua cov ntaub ntawv. Pab Tswjhwam mam xyuas thiab sib tham txog tsab ntawv tsi txaus siab no thiab teb thawj zaug tom qab lawv muaj kev sib, yog hais tias lawv tau txais tsab ntawv li ib ab thiv ua ntej lawv sib ntsib, Ua ntej 10 hnuv ua haujlwm tom qab lawv sib tham, Pab Tswjhwam no mam sau ntawv qhia lawv li kev xav txiavtxim rau Tus Thaj Khu Loj chaw ua haujlwm.

4. Txhua lub sijhawm, tus tsi txaus siab muajcai foob mus rau Nom Tswv Mesliskas Qhov Chaw Sojntsuam Pej Xeem Txojcai lossis tom xam uas xyuas tej kevcai. Yog tus foob tseem tsi txaus siab tom qab kev sib tham Theem 3 thiab, nws muajcai foob ntxiv mus rau Lav Kaslisfuasnia Chav Tsev Qhia Kev Kawm.
5. OUHSD cheeb tsam saib kev lwm hiam ua phem tseem ceeb heev thiab yuav sojntsuam xwj tej ntawd sai heev thaum hnov paub lawm. Yog koj xav hais tias koj tus menyuam raug kev tsi ncaj ncees lwm hiam vim nws yog ib tus muaj kev xim oob qab, koj mus ua li cov kev qhia txog Tus Liam Tsi Txaus Siab saum no kom txoj kev tsi zoo no tsum kiag thiab hloov kom zoo. OUHSD cheem tsam Tus Sojntsuam Kevcai 504 li npe thiab kev tivtauj nyob hauv qab no twb raug taw los sojntsuam kom cheeb tsam ua lawv li thiab ua thwj cov kevcai no, Qhaub VI, Qhaub IX, kevcai ADA thiab Kevcai 504.

Jon Wood, Director of Education  
Oroville Union High School District  
2211 Washington Ave.  
Oroville, CA. 95966  
jwood@ouhsd.net  
(530) 538-2300, ext. 1104